

## Kugbɔnku kùà Sud kɛle' kù nnɔ

**Nà w**ɔngeh kugbɔnku kuu te ma bo

**Kugbɔnku** kuu te ki de' Kristo yaab kɛ nɛ. Ku'maam nɛke Pier kɛle' kulieku kùà nnɔ nɛ. Kugbɔnku kuu ya gber mɔh nin bitonnenɛnɔbonsɔknɔ ya tonnenku nin bi'tetefenfɛnm nɛ (migbiirm 6-13; 2 Pi iyul 2).

**Wà** kɛle' kugbɔnku kuu nnɔ taah Kujɔtiekpaaaku ya gbɔnku ya gber nɛ, ki ñɛndeh miwɔknm len ki wɔknh u'yo ya nib. U liebe' ki taah Sufmbe ya gbɔnt tuba mɔ ya gber ki kieh u'gbɔnku ni. Ama tigbɔnt nnɔ tun ɲa te Uwien ya gbɔnku ni (migbiirm 9, 14, 15).

**U taah** iñɔbon yà cɔkreh nɛ ki tɔkeh Uwien li dɛre bà yìe' u'yíem ya gber ya tub ma bo (migbiirm 3-13). Ama u liebe' ki tɔke' mɔ ki ye nì kpɛ bɛ ñ muɔ bɛ micɛɛkm nɛ kí tore bɛ ɲɔ bɛ ñ ñɛ Uwien li dɛre binib ya tub ma nnɔ ni (migbiirm 22-23). Sud kɛle' u'gbɔnku ni ubenpiebe ya gber la, u yíe wɔ ñ pien nà bre nin kinunbɔnk nɛ. U ya benpiebe ɲa bereh ama u ɲmiendeh nɛ.

### *Ifuonde*

<sup>1</sup> Min Sud, n yé \*Yesu Kristo ya tonsɔnl nɛ, ki yé Saak ya ninjɛ. Min nɛ kieh kugbɔnku kuu ñ de ninbi bà Baa Uwien yin' nɛ, ki yíe nɛ, ki cɛre' \*Yesu Kristo gu nɛ nnɔ. <sup>2</sup> Uwien ñ li tuu ki muɔh nɛ micɛɛkm, kí de nɛ uyɛnduɔn kí gbien, kí li yíe nɛ cɛɛn.

**Uwien li** dɛre bà wɔknh nà ɲa kpe sɛn ya tub

<sup>3</sup> N'jɔtiebɛ, n'fɛnm là ton ñ kɛle kugbɔnku kí tɔke nɛ miɲmiɛnm mà yé ti'ke yaam nnɔ ya gber nɛ. Ama fɛnfɛnnɔ

n laa' nì yé n'bo liwòbl nē n̄ kéle kí de nē kí cèrè nì'fèl n̄ lí co n̄ò nì mò Uwien tòke' u'yaab mitekjim ya gber tà bolm miba kpein nnò bo. <sup>4</sup> Kime binib biba lònbe' kí kòn' nì'ni, kí yé bibierdenb, kí sikreh tí'Wien ya juokm ya gber ya tingi n̄ò bē n̄ fre kí lí teh bí'sònsòndl nē. Bí wíe' \*Yesu Kristo wà yé tí'Wònwòknbaab, kí yé tí'Yonbdaan nnò ya gber. Nì kéle' \*Uwien ya gbònkú nì haali uyo n̄ò kí ye Uwien lí dèrè bí'tub.

<sup>5</sup> Nì bēn n lí tòke nē nà ké nnò mòmòm. Nín nì bēn ma ké nnò n̄ yé n̄ tiere nē kí ye Yonbdaan là n̄mien' Israyel yaab Esipt nì nē. Nì ya puoli bó nē u gben' bí'ni bà n̄a teke' wò kí jin' nnò ya gber.

<sup>6</sup> Tíere mēn Uwien ya tondb bà là dàan' Uwien sien' bē nà saan, kí siere' kí dàan' bí'kònkúon nnò ya gber. Uwien lòle' bē nē, bē n̄ lí tuu kí lùò, kí lí te kubùoku kùà n̄ò ka n̄mòbe bien, kí bíike nì, kí gu tibuur ya wengbiin ya daali.

<sup>7</sup> Líebe kí tíere mēn Sodòm nín Gomər ya du nín idutò yà kpieke yì nnò ya nib là tien' líònsòndl tēn bitondb nnò ma nnò ya gber. Bí tien' líònsòndl nì tì kende' haali kí jí tì nuunh bē n̄ lí duòndeh nín tibont tà nín nisaal n̄a tē\*. Uwien là dèrè' bí'tub, kí kuòn' bē umu wà n̄a n̄ kpiin nì. Nēn nē wòngēh nà lá lí tu bibierdenb.

<sup>8</sup> Bibierdenb nnò mò teh tēn bēn nē. Bí pē bí'deknt bo nē kí sòn̄h itùon yà kuòndeh bí'tiema gbēnēt tíjòknt, kí yíndeh Uwien ya yonbdēt, kí sukreh nà ké n̄mòbe ukpieke paaki bó. <sup>9</sup> Uwien ya tondb ya cìen Mìsel mòmòn nín \*usenpol là kòn̄h uyo wà Moyis ya gbēnēt bo nnò wà là tuo' kí suke' kí bíin' wò ama u là tòke' wò kí ye: «Yonbdaan n̄ dèrè a'tub» baba nē. <sup>10</sup> Ama bibierdenb nnò bēn wòn, bí sukreh ba bēn nà nē, kí te tēn ipiē, kí maaleh kí teh bí bēn nà nnò mòmòn tulndeh bē kí joh nē. <sup>11</sup> Nì bre

---

\* 1:7 Tibont tà nín nisaal n̄a tē ya tingi te bolm míle bo nē: Uwien ya tondb bíi tíwēt.

bi'bo, kime bi kp̄ien' Kayen là kp̄ien' usen wà nn̄o n̄e. Bi taa' bi'ba ki de' ilike ya nuunm n̄e ki t̄ure' ten Balam, ki ȳie' Uwien ya ñ̄obu bó ten Kore là ȳie' ma bo, n̄e ki kpo'.  
<sup>12</sup> Ninbi Kristo yaab taan' ní ji tijier la, bi saake ni'ni ten tijoknt n̄e ki saah ni'jiejin, ki jinh fuɔlfuɔl, fe ɲa ɲm̄obe be, ki maaleh ben baba bó. Bi te ten utaa wà yin' ki b̄onde' ki juore' nin kutafaaku ka nii' n̄e; ki te ten isiin yà ɲa l̄onh haali i'l̄onl̄onyo m̄on̄on, ki kp̄ikre' ki lu', ki kpo' keke n̄e. <sup>13</sup> Bi s̄onh ife ya t̄on n̄e ki joh ten miñuncienm ya ñ̄ungbegbel teh kujujuku miñunm ya gbe ma bo, ki te ten iɲmaabii yà cuonh ka ɲm̄obe ì joh nà bó. Uwien bonde' mifenm ki ble' be licinñunl ni be í li te len uyo wà ɲa ɲm̄obe gbenm.

<sup>14</sup> Enok, wà là yé ti'yaaje nlole bo kí cin Adam ya bùol nn̄o, là s̄okn' Uwien li tien bibierdenb nn̄o ma bo ki ye: «Li cengeh men, Yonbdaan nin u'tondb turbenm li baa <sup>15</sup> kí lá bu binib ke tibuur; tibuur í cuo bibierdenb ke, bi s̄on' it̄onbiere ya ke nn̄o nin bi len' u'bo imebil ya ke nn̄o bo.»

<sup>16</sup> Bi yé binib bà ɲulnh uyo ke n̄e, n̄e bonn ke bonn ɲa d̄ekreh ben. Bi pe bi'yenm yíe nà bo n̄e, ki lienh nin tigbengt, ki t̄okeh binib tiñ̄ɲmaagber, ki nuunh be í jonde bi'bo.

### *Igbiere*

<sup>17</sup> N'j̄otiebe, ninbi ben w̄on, tiere men ti'Yonbdaan \*Yesu Kristo ya tondb là juo' ki t̄oke' n̄e tigber tà nn̄o. <sup>18</sup> Bi là t̄oke' n̄e ki ye: uf̄of̄oryo binib lá li l̄e n̄e, kí li pe bi'yenm yíe nà bo, ka í li boh Wien. <sup>19</sup> Ben n̄e boreh binib, ki pe unisaal yíe nà bo, ka ɲm̄obe \*Fuoñaanm.

<sup>20</sup> N'j̄otiebe, ninbi ben w̄on, ni teke' Uwien ya gbeñaanm tà nn̄o, ñi men tun bo kí li joh inun bó, kí li kàareh w̄o \*Mifuoñaanm ya tuom bo, <sup>21</sup> kí li tuu ki te Uwien ya yíem

ni, ki gu ti'Yonbdaan \*Yesu Kristo ní de ne limiel là ña ñmabe gbenm u'nimònt bo.

<sup>22</sup> Binib bà maaleh milele nnò, muò men be micεεkm.  
<sup>23</sup> Bitòb mò te ní ñen be umu ni be í ñmere. Ní muò bitòb mò micεεkm ama kí li dèkreh ní'ba, ki la miεkeh bi'wengolkaar mònòn, kime bi'tuòn nnò kuòn' tu'mò tijòknt ñò.

*Li pèkeh men Uwien*

<sup>24</sup> Uwien ne yé wà li fre kí li gu ne ni la lu' sen ke sen ni, ki li cère ní sere wòn wà ñmabe ukpieke ya nun bó, kí li tuu ki ñmabe uyensange, ki la ñmabe biil. <sup>25</sup> Wòn wà yé Uwenbaabe, ki yé ti'Ñmiēnl kí ñe ti'Yonbdaan \*Yesu Kristo bo nnò si ukpieke nin uyēbn nin mituòm nin ufaa tibont ke bo uyo wà gèbre' nin fēnfēnnò wuò nin uyo ke. Ami.

## Uwien ya Jɔtiefɛ̀nku ya gbɔ̀nku

The New Testament in the Ngangam language of Togo

copyright © 2011 Wycliffe Bible Translators, Inc.

Language: Ngangam

Translation by: Wycliffe Bible Translators, Inc.

### Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Ngangam

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

Updates

eBible.org

---

PDF generated using Haiola and XeLaTeX on 17 Nov 2018 from source files dated 24  
Aug 2018  
f30fbe0b-cda1-5a60-a4ee-8be80c6caef6